



紹述先生詩集

四

和16

1495

14

早稻田大學附屬
圖書館

第一寄

漢詩文

第 號

第 卷

此書館外不許帶出



和10
1495
14

紹述先生文集卷之二十七

男善韶 校

五言絕句

題紀聞小牘第五冊後甲戌

予讀書抄其奇英釘為冊
子先生題曰紀聞小牘

二酉藏雖繁三餘業亦足亂抽時抄謄不覺昏與旭

遊祇苑丙子六月四日
八尾生招

翺翔祇樹林攀躋補陀岑簾幕倚華表壺觴醉樾陰

絕句庚辰

紹述先生文集卷之二十七



勁風時謾謾素雪又紛紛絕笑庭除窄不堪聘此君
 寒夜對燈讀書憶子瞻曹溪詩和韻五首
 九陌無人跡丹鉛獨對燈一床一書几興味淡於僧
 蒲團坐來穩加膏旋剔燈風傳一聲磬念經何處僧
 欲問金僊道昔嘗閱五燈死生常事耳誤却幾多僧
 真宰卑斯質誰言風裏燈世途偶失脚狼狽動為僧
 進修難就業孤負讀書燈儒士心腸軟堅忍輸却僧

近江八景

比良暮雪

千仞比良嶽凝青隨大江玉塵侵晚集白盡一枝峯

矢橋歸帆

湖頭將暮處欸乃幾漁歌忽見風濤裏歸帆小似梭

石山秋月

補陀山一曲金碧倚蒼蒼秋老嶺頭月共同千古光

勢多夕照

誰向大湖口更浮千丈橋長程行不盡斜日掛山腰

三井晚鐘

三井風霜古時聞雲外鐘斜曛看且沒又射塔前松

堅田落雁

平沙千里眼拈句立多時也著兩三雁宛然一局碁

栗津晴嵐
行行松十里源氏昔時墳嵐氣晚還暗縱橫路不分

辛崎夜雨

孤松依岸綠古廟枕江閑一陣夜來雨千重秋後山

題畫

癸未○澤英貞懇

高甍依絕壁怪樹厭危岑同是逃名者來論靜裏心

題三將軍圖

戊子

太公望

渭之水洋洋釣竿幾曾長忽際興王會牧野維鷹揚

張子房

鴻門嘗獻璧博浪復操推功成而不居高蹤誰能追

諸葛孔明

仲謀方據吳阿瞞僭都鄴草廬三顧裏指揮復漢業

次渡邊良雄丈韻

己丑○渡邊君良雄今茲隸新院宮監之籍上都寓

于北隣嘗賦一詩見寄頃又聽于講童子問惠投高作二章曰次其韵呈謝

下問不相棄漫將古道應偏驚官路劇詞鋒特峻增
家世業書史踈慵取下帷芳隣幸相接自是語多時

題山水圖

庚寅

積水天間遠奇峰嵐際連吾無舟楫具對此意茫然

絕句

壬辰

小詩聊過日，薄酒不盈樽。濟勝烏藤在水南，水北村

溪上

溪上日初落，溪橋人不來。孤村纔有路，忽遇一枝梅。

偶成

東風吹宿雪，細水助清流。邊雁歸未盡，忽思湖上舟。

自詠五首

其一 講經

聖訓日星炳，何須吾講明。先人有遺託，徒切老婆情。

其二 讀書

鷄晨兼燭夜，佔俾未曾休。讀得非誇博，樂過萬戶侯。

其三 屬文

作文非在樂，將闡古賢心。造寫幾千字，不知歲月侵。

其四 賦詩

小詩時觸興，信口不求工。聲病尚難合，何論唐宋風。

其五 寫字

琴碁書畫樂，嗟我一無能。適意臨名帖，亦堪代結繩。

山村冬暮

向晚雪如篩，樵蕪下翠微。經過人更少，鴉入野烟飛。

千樹葉皆脫，一村燈始明。山前收小市，漸聽夜舂聲。

小畫

癸巳○薩州，鑿生重久氏懇

行行有底急斜雨獨行人好向前程去村酤味方新
十月七日攜家弟及同舍生遊東山 戊

尋到殘花寺相逢携酒人蟬聲漸催夏客意勝於春

贈德島惟馨歸備後尾道 甲午

之子歸千里馬頭梅未開讀書須早計好趁九春來

殘春病中 丁酉

勝日病中過飛花眼底稀小園行藥罷兀坐負斜暉

塞下曲五首

庚子○客冬稍閒燈下漫作日淨書以寓間中一適且要一二友生之屬和

關外將威重轅門鼓角愁防秋兵未到日夜濁河流

荒戍月初上故鄉天一方西風消息斷慈母在高堂

疆場塞垣迫天山雪滿時未語胡要領師出畏窮迫

十年離梓里一醉臥沙場未係單于首祇今鬢已霜

久戍未歸得年年塞草春荒丘堆白骨半是伴行人

題小画

工藤生懇

塔聳樹巔湧舟輕沙際浮欲求真富貴須向此間休

讚州象頭山十二境詩 辛丑

谷登不左右櫻陣

南土與區在高薨俯翠微兩行花映帶轉眄鬪芳菲

萬竹森如束猗猗屯黛雲誰呼文與可畫取帶斜曛

後前竹圍

清池開一鑑影倒弄波人拍檻投芳餌喁喁出錦鱗

南土裏谷遊鹿

谷邃不通日峰尖欲插天歌兼樵斧苔坐與鹿麋眠

群嶺松雪

支笏誰相對參差海上峰夜來松頂雪幻出玉芙蓉

幽軒梅月

幽居非世境清馥一簷梅山月夜深白梢頭影往來

雲林洪鐘

薜荔暮雲底清鐘出化城不知從此裡多少白鬚生

夫石洲新浴

陽谷湧神瀆温蒸暢四支振衣殊爽快不是學湘纍

箸洗清漣

箸川清似洗風攪水紋浮派菜家何在知應住上游

橋廊複道

複道跨空碧人行虹影中奇峰眼底起前路失西東

五百長市

萬室依山列朱陳自成村若為避秦者遐索問桃源

萬農曲流

抱村溪一曲餘潤澤蒼生社酒人人醉秧成數日晴

此林勢州某童子年甫六歲能佐大字予未識其人
或丐題其上幘曰裁一絕以勸之云

妙齡懷偉器能運筆如椽歲月後來多典刑希古賢

題扇頭

壬寅○香川大佐懇

此君有高操離立勢千尋不向朱門茂歲寒綠且森

吉雄氏席上用

和歌

次韻

癸卯

五十年前契相逢尋舊盟堪俱消白日松翠蔭南榮
享保辛丑歲予携弟長準與木村重經明石景
鳳二生遊丹州和田莊窮登涉之樂者餘浹旬
矣既歸邑之耆宿堅田三隆翁錄其景勝請予

之題詩以傳後葉其地在千峰萬壑之中溪山

映帶幽致殊可想也為賦八絕題曰和田八詠

云

和田邑居

初和田日州自信州和田來移至其子成長
天心中置寨曰蛇山岩尾城名邑曰和田今
城廢邑里尚饒阜

山中有聚落忘却在山中屋宇人烟簇依然古遺風

小山佐野古壘

日州之後佐野總州代鎮

當日干城任遺蹤何處尋一堆荒壘在老樹屬春深

八幡華表

昔者秩祠為本州第
三社曰正一位三官

丕顯斯文祖維皇帝德傳又於窮谷裏尸祝幾經年

當日宕峯行祠有白雲山行祠

小山擬宕阜廟貌此經營唯有白雲起白雲不負名

親緣樹色

佐野總州既失邑慶長中卒于江州木戶親緣寺即其所創建文牒尚存

雲木招提古百年人世移誰來禪室裏靜賦看山詩

八子舞榭

八子大夫世能散樂豐臣太閤時賜邑在和田八歲名技故氏曰八子云

古來傳散樂八子有能名舞榭今尚在世家不墜聲

石岑疊翠

石金山又曰石岑秀於諸山

一拳冠衆嶽千古綠崢嶸爽氣朝來好誰為支笏

船渡板橋

邑東有橋曰船渡

青溪流若帶來往可容刀布置自然巧當中跨一橋

題画

甲辰○坊城俊將公求○白鷹凌霄

萬里鳥飛絕凌風逸翮輕只看莽蒼裏雪羽特分明

又

長衡求

兩峰雲木合古屋倚崔嵬長嘯人何在不容俗士來

題畫蘭

新川生求甲辰

彼美一人兮僊衣不惹塵欲往從之兮空谷十月春

自畫画竹

長衡懇甲辰冬至日

珊珊鳴佩到頓報一庭秋誰把此君節漫封瀟灑侯

萬畝席上題瓶裏梅

乙巳

夢境姑山近，虛無未認真。誰從深雪裏，分我一枝春。

無厭自君之出矣

四月廿一日 香氏

自君之出矣，低摧掉朱扉。蟾子不報喜，隨意棲梨微。

自君之出矣，秋葉幾度飛。緘上寫平安，擬寄邊雁歸。

自君之出矣，未曾製新衣。時與小姑語，山月落羅幃。

題富士小畫

乙巳四月 朝倉氏請

生綃不盈尺，芙蓉一朶青。相看應不厭，何復問敬亭。

宮詞

七月初一日 淺井氏宅

嘗得良家選，十年不識君。忍看宮樹老，和淚落紛紛。

九門華月入仙樂，夜深聞阿監傳宣。召登時著繡裙。

舊侍尚衣局，朝朝進翠雲。更緣新幸問，故事說慇懃。

月下聞砧

八月廿一日 猪飼氏宅

寒杵丁當響，擣殘月滿天。只聞來枕上，不識自何邊。

衆星環北極，孤月掛中天。不為清砧動，幽人自少眠。

訪隱者不遇

十月初一日 宜全氏宅

偶訪山中客，蒼烟鎖薜蘿。唯留兒看舍，壁上掛枯蓑。

次菅麟嶼氏元日韻

丙午

夙占瓊林宴，來逢輦下春。將何盒洪造，祇與簡編親。

題松梅圖

丙午四月 上橋氏懇

瓊姿欺雪粲，鍊幹帶風蟠。臭味共相倚，歲寒盟未寒。

殘春對雨 五月一日 淺井氏舍

誰得留春住，
賽蘭香燼時。
一庭花狼藉，
枉恨雨絲絲。

題畫 豐州綾 部氏懇

天心孤月在雲外，
斷鴻聲誰住。
無人境相看，
何限情。

又朝倉氏懇

半天聲作雨，
滿地影鋪雲。
不待歲寒日，
挺然已絕群。右松

橫斜纔半樹，
疎影落輕綃。
祇與雪俱白，
何曾與雪消。右梅

蓮池夜酌 七月一日 井上氏宅

有客來涼到芙蓉初出波，
祇知將進酒不問夜如何。

殘菊 十月十一日 巨齋氏宅

彫零兼採摘，
纔見數枝黃。
無意霜周宴，
傍籬賞露香。

次那波春胡氏歲首韻 丁未

予未面春胡氏聞其才器夙成已
知嚮學因次其韻以勗成立云

栢酒拜重慶，
辛盤迎賀賓。
新詩忽到手，
千里一般春。

題畫 小貫 生懇

誰倩惠崇筆，
分來秋半江。
枯蘆纔帶葉，
宿雁自成雙。

題扇頭 淺土州刺史 求戊申 八月○秋海棠

雖非西蜀種，
酒暈儘風流。
留得三春色，
嫣然笑九秋。

題畫 已酉○鳥飼翁 求○叢竹雀棲

勁姿無俗韻，
密葉引涼颼。
微物亦知足，
啾啾占一枝。

芙蓉無舊態，擎雨蓋猶新。獨立秋江上，翠禽不畏人。

影落青天外，根蟠日本東。蓬壺知即是，忽現寸眸中。

田子浦頭晚月明，雁叫秋秋光來几席。教我喚扁舟。

三保

波撼萬松翠，羽衣何處求。雙帆天際掛，無是汗漫遊。

題象畫 壬子六月朔

異獸南國來，快觀星鳳然。偉狀超羣類，爭作畫圖車。

舟中卒和子佑丈人韵 一日中并賢兄携子及諸人遊次舟中見豚韻

唵中山色近天際，櫓聲來幸有陽春唱。又逢小雨催

辜保庚戌詣勢州將歸宿于閔可吉田生宅草

卒題扇頭 去

多日嘗相識，討論傾肺腸。同來同投宿，忘却在佗鄉。

是歲壬子季冬又來見索淨書，因改寫又賡韻

以還之 去

一別三霜後，相逢轉斷腸。慙君命駕意，不是鄭公鄉。

侄世德年甫十歲賦元日詩，其父自福山寄送

嘗計回次韻以勗之 癸丑

名

卷之二十七

蘇東坡詩集

當修初度慶已及十回春偏喜方年富須知要日新

題畫扁 癸丑六月在太坂為清泉氏書

松翠深人袂泉聲清耳根丹青真有意盈尺貢丘園

題畫鷄 為村尾生書

金距爭雄日紅羅得寵回却來修竹裏隨意啄蒼苔

題畫 中山清五懇

樹老藤蘿掛異禽不識名悠然相對處彷彿聽丁丁

題家藏画軸

白井友軒翁登歲嘗見先子至今相面每飲稱遺德不已兼巧績事臨錢舜舉花籃圖見寄回詩于上幀以傳于家云

一籃花攢簇雨露活精神不與燕鶯去終年領豔春

唐畫梅贊 甲寅五月大坂土岐侯府士三浦庄大夫氏懇

憶得羅浮曉玉鱗未肯飛夢回香不盡翠羽故依依

題畫雞 應一品公寬親王教作進享保甲寅臘月

逢斯無事世誰復舞中宵好倚書窓宿膠膠伴寐寥

任世惠賦菊詩寄呈請正曰次韻以獎之

聞說南陽菊刺者節後妍清香隨綵筆併到洛橋邊

墨梅 乙卯○京尹府三浦氏懇

祇能摸玉骨那復著鉛華雪霽月明夜應看疎影斜

題扇 佐佐木祐安生求

嘗嫌城市開去道萬山中山中何所厭出遊一室空

題長英扇頭瓜茄乙卯八月芥厨常索莫留客苦魚緣欲止梅林渴瓜茄累歲聯

題山水畫河合生懇盡日江山勝莎衣罷釣回模糊烟樹裏只認酒帘來

畫鷺乙卯十月福知啄不下白水飛不上青天偶尔底心性獨立老樹巔

桃樹卧牛圖丙辰三月為伊良子氏書曾放桃林野相羣樂幾春莫嗟無事世間喘更無人

題散馬圖

此辛卯歲三韓画史朴竹里所寫也或徵予題詩曰賦云

何曾貢華旆幸免困鹽車伯樂不常有徒然說渥洼

附六言

題扇 戊辰

斜日西三箇雁平岡四五株松洲沙風急翻白岸草霜清弄紅

題畫 庚寅

滿目青山野水一村翠柳紅花白雲深處啼鳥綠樹陰中有家

早春野望 丙午正月十一日香川氏宅

薄遊時踏青甸一望平川茂林樹樹高低雪解村村
遠近雲深征鴻已動歸思幽鳥方遺好音松下苔筵
可藉與期重期瑤琴

[Faint bleed-through text from the reverse side of the page]

七言絕句

陪平井春益筵次未正逸韵丁卯

天助斯文猶未喪相共論古近燈光熟談恰似舊相
識為謝厚情詩一章

次平井春澤冬夜迎客韵

主人迎客意還厚斟盡芳樽漸已空窓外蛩聲永今
夕清談相對剪燈中

次村上元純冬夜迎客韵

簾櫳月冷疎梅影玉漏夜闌聲更稀投轄主人情轉
懇却忘扶醉朗吟歸

陪清祭酒筵賦冬夜月
風肅霜嚴夜氣清一輪皓月當空明敲冰曉鼎獨烹
茗陶穀清標得我情

又賦山家雪

山店無人終日寂出門深雪沒芒鞋一望四野杳無
垠忽見凍禽下玉塔

夏初遊于八坂席上次蕉函韻 戊辰

輕煙薄靄半陰晴嶽色朦朧檻外橫冉冉脩篁弄新
綠忽聞啼鳥兩三聲
樹色蒼蒼雨半晴崢嶸塔影几前橫小亭盡畫寂寂

裡寺遠踈鐘時一聲

十菊詠 四月廿五日應山本通春之
需焉用和歌題別有後序

池荷半敗綠帷衰岸柳既飄翠縷垂幸有黃花管秋
色今朝初見兩三枝 右菊
初開

正是滿階落葉時金英裊露數枝奇半開半合秋風
裏須酌芳樽傾酒卮 右菊
半開

十月初寒百卉萎此花獨自見仙姿淒風籬外無人
到節後猶開三兩枝 右菊
久感

滿眼景光儘耐描西風徹夜自蕭蕭月明一夜照瓊
檠却訝曉來霜未消 右菊
似霜

蘇東坡詩集卷之二十七 蘇東坡詩集

誰將黃菊數枝芳，植置閑庭松竹旁。
玉露瀼瀼浮葉際，淒風吹送滿庭香。
右菊 帶露
秋風蕭颯撼扉來，黃菊滿庭簇簇開。

右菊 滿庭
紅白遠籬無數開，微吟終日獨徘徊。
門前剝啄秋風裏，應是白衣送酒來。
右玩 庭菊

荒庭寂聞客來稀，終日柴門掩破扉。
唯有籬頭數枝菊，秋來漫費幾篇詩。
右閑 庭菊

九月肅霜曉滿天，無人獨臥竹窗前。
却疑身在沉香閣，風遞清香到枕邊。
右菊 薰枕

浙浙西風搖晚芳，殘花零落倚疎牆。
秋光寂寞無尋處，霜裏猶留一點香。
右殘 菊句

納涼 季夏
滿庭竹栢鬱森森，遮却殘陽晚影深。
高捲疎簾凭欄坐，薰風吹送一蟬吟。

矮屋日長慵讀書，有時獨起到庭除。
樹綠如滴滿院微涼一雨餘。

松槐鬱鬱綠陰濃，斷續蟬聲西又東。
因逐微涼過槁畔，滿川花氣芰荷風。

又次早水南義韻

蘇東坡詩集卷之二十七 蘇東坡詩集

池亭涼處移床坐風送荷香水氣清一枕新涼侵膚爽讀書獨樂古人情

峇渡邊希憲三首

山本通春鹽秀實吉岡師約早水甫義皆有次韻○希憲

既歸日州以俗羈紛擾不得來于洛以一詩見示諸友予因賡其韻

徂歲秋初餞故人回頭又是過青春水雲隔斷三千里何日盍簪共輔仁

踈庸猶未免鄉人馬齒既隣二十春莫道遐方乏師友要知躬行恕兼仁

交友難逢有志人悠悠閑過洛陽春光陰易老學難進須是切磋求至仁

次早水生重陽韻

九月念三日

陶令一嗙人膾炙到今騷客惱詩蒐黃花籬下秋尚淺畱取甕頭酒滿樽

次并狩君有所思韻

仲冬初四

喜君嗜學未嘗休官暇讀書二十秋此夜清談無俗語不知何日作奇遊

庚合雪已巳

滿庭積雪白皚皚糝徑玉塵埋綠苔自恐履痕印瑤砌倚欄不下暫裴回

閏正月朔

洛志先生文集

卷之二十一

蘇東坡先生文集

春光九十常憂短，幸是今茲一月多。雖是今年多，一月四分之，一既經過。

庭前梅花初開

茅舍竹籬，洛水涯，疎梅初發。野人家，欲知春色十分處，看取枝頭第一花。

王昭君

昨日漢宮眠錦帳，今朝胡地飽腥羶。區區何恨丹青手，禍福從來皆自天。嬋娟傾國是身殃，曷若無鹽安舊鄉。風冷穹廬眠不得，琵琶彈罷據胡床。

春夜雨

莫言一刻千金，夜空守殘燈。送雨聲堪喜，明朝快晴。後池塘，春草逐時生。

次韻酬信甫見寄之作

不見阿蒙既三歲，憑誰今日刺心蓬。馬蹄早晚西來去，破却東溟萬里風。

冬夜

尾雪簷冰寒一夜，黃梁夢裏入清晨。布衾如鐵窓風切，冷却床頭斲睡人。

焚書坑

...

燔書戮令自咸陽千歲腐儒咎始皇假使當年都燒
盡在人六籍豈能亡

秦政暴橫天所絕詩書蕩盡惑黎民當時六籍何難
索却恨沛中馬上人

偽典竄經日日重王猷梗塞賊民風何人更借祖龍
手焚却咸陽煨燼中

梅薰風 庚午

窮巷寒門短短墻疎梅花幾占春光清標莫道無人
識風末時傳一點香

寬居子見寄盛什壹章次韻謝之

故人卜築浪華隩獨味道腴自養病性懶居諸常玩
榻無絲欲逐白駒過

訪梅嶺雲禪師

共候秋晴到上方綠陰深處唄音長明窓淨几無餘
物折脚鐺兒野菜香

遊天王寺

麗譙高擁入雲罽塔額上連閣道隆廟宇不知梗民
牖輝煌金碧護豐聰

聖德太子

當今日出聖天子桂籍本支百世蕃若使九京得重

惟願將無恙報中原

高津宮

嘗憂民隱軫宸衷比德堯堦與禹宮板屋土墻皆撲
素想看聖帝古遺風

難波橋

長橋一百八十丈宛轉虹腰割碧濤况有攝城宏麗
觀遠洲孤島入唵毫

冬初上東山遂到石處士舊業

薜蘿深處入寒雲孤杖幽尋惜日曛時見月鉤上平
楚東臯歸路帶微醺

峭壁攢峰簇白雲孤嵐乍斷映殘曛寒流野約歸途
黑水氣時醒酒氣醺

竹有和氣應大醫院今大路氏之懇

主人憐汝素清堅千畝交陰自渭川濃綠拂雲庄意
遍兒孫戢戢共森然

庚午南攝之行豫州大須邱官來謁先生饋以

假山蓋其地所產也其狀兩峰屹峙一道白條
五界其中宛如瀑布先生命之曰小廬臯予曰題

曰

造化無心斧削工緣何偶爾作雙峯如看廬岳最高

處雪濕一條墮碧空
 辛未之夏陪司馬藤公之遊梅熟琦子之院賦
 正是殘花新筍節芒鞋黎杖到珠林俱衝晚雨將歸
 去修竹叢深鳴好禽

嗣林九成遊鴨河小樓韻

予素不能詩時時為人所索不得已而應之亦窘甚林九成與其友遊鴨河小樓賦詩請予賡韻予不預其集亦不盡識其人然其遊皆風騷之嗜而非世之徒事逸遊者之比可詩而可文固不辭之而亦欲和之不知其遊如何慕聖賢從容之遊乎效方外曠放之遊乎翹蕖冶艷之遊固所不問吁其遊固一而情狀大不同觀者其擇之勿作尋常盤遊看也懇迫弗置
 迅筆酬謝

羣英此日聚燕臺累牘奎章照酒盃春色西東何處
 好唯看前嶽送青來
 巨浸迸綠漸瑤臺詞客此來傾幾盃堪恨吟筵無獲
 待要聞何日又重來
 石橋過處到泉臺高致豈但在酒盃幸是喧埃不相
 累想望花外小車來
 聞說鴨河河上臺尋芳裁句共傳盃課書幾冊猶堆
 案新綠日長葉下來
 昔時真逸住雲臺豪族時斟濁酒盃今日盛遊追遺
 蹟鴨川清處弄芳來

吟身不肯到陽臺對酌臨流又一盃借問爭遊探春
 客劉郎此地幾回來幾日幾日幾日幾日幾日幾日
 山椒遠聳般若臺登覽終日盡吟盃晚鐘一吼殷雲
 際野徑幾人衝暮來
 共拉親朋上野臺驢山望水且含盃白雲自向東岡
 去碧玉流從北嶺來
 垂楊綠合似章臺散出盡歡三數盃欲為詩脾除宿
 醒一行山雨襲衣來
 素瑟角巾登古臺春醪初綠屢傾杯山西日落半規
 影晚笛遠從風外來

贈復軒在東武

時復軒與吉富二生寓小出侯館故三四及此

多年講習事書詩為喜東遊際盛時借問侯門珠履
 客囊中穎脫者其誰

題扇

淺井明光懇

輕舸盪波橫水涯垂髻鶴髮弄荷花應嫌眉斧解
 國不盡遊人隘若耶

野月露冷日野藤公席上賦

西疇南畝稻梁肥皓魄當霄遠散輝欲曳吟筇尋勝
 處又思行露布明璣

仁獸遊飛梁

嘗濡醲化出虞唐戴義抱仁呈厥祥帝德而今光有
截林郊來止至飛梁

涼風微蒸暑

炎威赫赫熱穹蒼矮屋無由欲取涼忽被薰風吹徹
去送來滿院芰荷香

秋日初訪金妙輪上人

同遊循洛到精廬蕭寺門深來客踈又重老僧炊爨
累竈收秋葉煮園蔬

田園春興

膏雨千畦潤若酥紺牙黃甲一時蕪杏花村落勸農

處風物而今入畫圖

早春郊行

閑身不是宦遊人步出郊東值早春春樹依依風未
軟烟霞何處覓芳辰

春燈

獨惜春宵出小廊上欄花影散清光歸來剔盡篝燈
暗未了几書尚數行

春海

熙熙瞰碧海之東光射巨濤欲湧紅一點征帆速如
矢忽從霞外逐春風

春夜雨

二月十六日
日野公詩社

和氣釀成春滿村，又看夜雨長苔痕。自茲騷客少詩，料理却宓妃冰雪魂。

小扇撲螢

深宮曾不見君王，鎖住年年苦夜長。應如宵行飛自在，故把紉素撲流光。

是日和冬嶺村公韻

五月二十七
日古峯之招

芳園十里距京師，難柰陌頭車馬馳。是日淫霖稀履響，團圓幸足與論詩。

池面水平蒲列戟，砌頭雨足草鋪茵。一亭岑寂日方

永絕勝豪華，醉盞塵

林香雪白對於華堂暮景如畫

歸鳥投林向晚咻，啾啾嘖嘖破清幽。詩談騷話遣塵慮，佗日須思今日遊。

少將愛宕源公席上賦

遠哉哉天中史風采於

玉侯亭榭綠陰中，雨洗天衢爽氣濃。是日幸逢退公暇，論文不覺夕陽紅。

再過詩仙堂訪三好安宅文人

必勝炎天秋風

松杉衡宇映秋晴，尚有昔時真逸情。今日梅閑重剝啄，擬追六六舊詩盟。

八月十五夜會方維文宅分題得秋雨

比來霖霖不期晴，慵扣衡門尋舊盟。忽有溽風吹葉落，却疑秋色惹詩情。

山寺避暑

寺依丹巘翠崖間，誰植松筠傍曲灣。忘却炎天矮屋苦，清凉更覺出人寰。

應國子司業澤公請賦龜

荇渚蓮塘紅蓼灣，兩三出曝戲潺湲。泥中曳尾君休笑，舉首亦能解戴山。

金紫光祿大夫伏原清公庭上櫻花

春色偏宜學士家，一株香雪白櫻花。華堂暮景映青

瑣滢艷妖嬈奪彩霞

東川子宅看牡丹

露凝紅粧欺渥丹，砌頭巧插竹欄干。料知東道培灑苦，不許來賓容易看。

烟霧散春晴，右司郎中日野藤輝光公懇

烟暗霧蒸十里隄，山容鬱鬱沒東西。光風一陣登時至，旭日清和好鳥啼。

若艸

郊原煙暖渺無窮，如襜如筵碧且濃。日暮王孫何處去，楚江水漲草茸茸。

次主人韻蘇性院

踈雨雖遮檻外山，却令秋色滿禪關。
西南闌闌一望，裏且得騷盟半日間。

右司郎中日野公席上分題賦圍爐

時亞相華山藤公直持銀青勅解
由藤公韶拾遺芝山聽公廣同

相對竹爐茶氣新，旋煨楫枳與烏銀團。
團話熟頭戢戢却笑剡溪曉，掉人

又得寒月

凍雲冥合四山寒，碾出玉輪影正團。
不似三秋良夜，看清光射雪落庭欄。

或夢富士請題

夢登巨艦泛東溟，萬里渺茫海色青。
乍見士峯八千丈，曙光射雪曉熒熒。

梅雨甲戌

溟濛雨氣鎖京城，雲密更無一點明。
遊子不知農務急，却來屈指擬新晴。

分得夏月閏月初四
古峯宅

飛蓋橋頭夜已深，月明更絕點塵侵。
千章喬木鬱成嶺，忽放清光穿綠陰。

小西氏席上次閑齋韻大坂人

熟梅雨霽訪幽館樹色滿街氣象新又喜南州風土好浪華多見好文人

豆山肖像贊并序

豆山居士姓山本氏名通春承乃翁舟木先生之業尤善和歌且耽詞章兼通翰畧之策卅六七歲時自寫其真頃來巧題因系以詞云

東道從來巧寫真青衫烏帽儘精神雖然曾學萬人敵風月而今屬此身

松

如雲如蓋據陰厓鬱鬱森森蒼玉枝何辨秦封與夏社歲寒不改後凋姿

鶴

丹頂縞衣玄作裳芝田日暖唳更長九天雖警露華冷勿入鷄群戀稻梁

竹間梅

庭外千竿修竹叢野梅斜出一枝濃子猷愛與和靖節春色併看一徑中

門外柳

衡茅雨腐鎖柴門日永唯聞鳥雀喧宅邊嘗植五株柳典午風流唯此存

茅舍夜燈

播之赤穗淺野侯家人別業八景之一九月十八日岸本惟明懇

古屋半間何處村一燈影遠射柴門寒砧徹夜聲聲
急幾度枕頭攪夢魂

豆山子繪其先人遺像裝潢既成掛之本園僧
舍會諸友用豆山子和歌末字押韻

十一月九日井原道悅惠藤一雄江
田章芥河諒及子并二弟從先生到

遺貌巧描拂素縑吟髭閣筆幾回拈音容雖遠尚如
在追憶而今孝思添

富士

雲中突兀碧玻璃八枉擎天勢最奇氣壓秋津六十
國能持乾紐與坤維

中元後會古峰子宅

乙亥七月
二十一日

又倒綠樽醉臉紅欲搖輕篋取清風是非要路附炎
客真率會中古道濃

耶山晴雪

磔山僧義仙請塚
邑基氏莊八景

佛母峯高數百尋西控蒼海鬱森森千巖晴雪未消
盡好與幽人助朗吟

十月十四日從大人造小倉山弼秀才敦衡二
季從至寺雨甚持傘展墓夜深而歸

偶造小倉山上寺寺深僧老思依依松楸隴上拂秋
雨展墓焚香日暮歸

嗣韻謝莊野氏見招

十一月十五日酒井河內侯家人庄野昌重見招

笑口為君暫得開，蟬聯佳客共隨來。世家武弁交情在，盤裏香橙瓶裡梅。

臘月初二古峯宅會時家父講語孟字義

烏兔昇沉歲又除，從來學殖奈何疎。淒風吹雪九衢曉，莫逆會中飽讀書。

再和謝之臘五日

從來狂態未曾除，每恐向人禮法踈。健羨漸次趨簡易，須繙鄒魯兩篇書。

鄒魯之書無剩餘，蛇說著意及踈飢。而食兮渴而飲，莫以繁言殺聖書。

約齋見招分題得雪中獵臘月

雨血風毛獵未休，草枯塞外白雲愁。胡風吹雪陰山北，番馬帶禽日暮遊。

伊吹初雪丙子○此觀鷄足院懸垂影亭十景之一

一邦巨鎮膽吹峯，神劍斬蛇留遺蹤。陵谷變遷千古後，尚看十月雪初濃。

題長岡老盤庭前紅梅

名意丹字誠甫號規矩堂二月二十五日同家若造

規矩堂前一株梅肆筵啜茗且銜盃天機巧處更難識素袂變成紅錦堆

春晚遊古峯氏鷹嶺別業三月十日

竹疎松密數家村琴僕擔頭唯一樽地確聲休山犬吠時看稚子出候門

自嘲

日出而興日入眠眼驚歲月暫時遷坐糜穀帛更無用浪說讀書學聖賢

美馬君善子仕于阿波侯以文學為任久聞家君之道遠到京師僑寓期月將歸因次君贈家

君韻以贈之四月六日

巨艦乘風南國春來逢華洛艷陽新自今持守簡且易養性存心自在身

尋苗慰朝倉孫六喪乃父茂入翁

靈椿嘗擬八千春風樹臯魚動念頻莫道自茲無孝日立身行道要終身

吉弘以三翁後園紫藤四月十日

買得郊西百畝園柏屏菜圃竹成門紫藤一架玉千縷移榻開樽看到昏

夏日書事

書樓客散拋書睡為報午飧驚夢回忽聽簷瓦響隣童偷眼打青梅

題風早光祿藤公庭上松

勢欲凌雲最壯哉養成長免斧斤災行逢封爵至尊

賜豈臥澗唇棄異材

題隣舍壁時伊藤吉井生寓隣舍

長笛不聞豈動情夜深隔壁讀書聲流螢一點過墻

到應是分光助我明

即事

凝眸倚檻弄吟髭來客錯言苦索詩拍手呼茶呼不

谷却驚暮雀起深枝

話倦短宵忽四更歸家宿醉未曾醒亂書未帙背燈

臥假寐不知西牖明

河邊避暑

晚來浴罷汗稍收共出河湄移榻休時有友人步涼

到送茶稚子指牽牛

含玉神泉

泉在豐前彦山嘗有龍王獻珠之異冬夏不一

酒彥山下宿龍池長見紺寒走碧漪冬夏不憂盈與

酒雲蒸靈物蜿蜒時

雙峯夕照

峯在豐田河郡形如箭括又
名箭括山彦山八景之一

形如箭括勢將抽葱翠挿天飛鳥愁想像廬峰雉劍
勝斜暉爭若此山秋

題富士畫

河副氏懋
七月三日

雲端回首士峯巔數箇征鴻數點船恍惚不知山是
畫飄然却欲問飛僊

唐巖絕壁

在土州佐川鎮景勝似石山佐川江田
成章今秋休于浴設十景題此其一

峻巖斗絕石成圍炎徼山川此最奇取置長安千

東歌延吟履幾回移

東峯秋月

辻昌堅東山別業
十景四方默堂請

亭住普陀山色深好看新月掛東岑四時賞詠雖無
別此處秋光偏適心

應中野伯仲之招遊靈山宿阿彌亭

十月廿六日豫州松山城主郎官中野信安
清大弟信房姪見招山通春中村某芥河時
亮水谷某及弟長敷至

開宴此亭嘗壽親回君今日再逡巡城東勝地知為
最遠寺近郊到處新

君臣

美濃部其
請阿州人

聞說賡歌治古風，虞廷氣象禮兼忠。天高地下分維
隔，須要交孚誠意通。

松樹契久

丁丑○應邨井
氏母六表壽

六衰令萱初度期，寒松比節露貞姿。要者遐算俱無
極，不似杏苑競一時。

遊仁和寺

三月七日吉弘翁招先生及
畫師土佐光口及予二弟到

沃田十里久休耕，帝子此來構化城。嘗植山櫻今滿
地，出處聲歇醉歌聲。

龜山訪杉原君

峽東溪盤數里行，長坡盡處忽孤城。主人又有迴遊

約未到，預馳遐想情。

諸泉涌寺

三月廿
九日

聞說靈泉涌，此中更沿回。磴到琳宮五，陵七廟棲真。
處遺澤尚思松柏風。

又曰漫興

矮紙斜行抄古詩，巧詞多處寫遲遲。兒曹案上披昏
睡，禿盡鼠鬚也不知。

小河立所小祥忌

半生齋志老韋編，薄命纔登來字年。白壁揜光黃壤
裡，塚頭掛劍淚空漣。

茂寔四十八日歿
故用何祗夢事

放言

字回漫筆人呼古詩不成章却類真食粟而今無一事放言閱盡幾春秋

鶴洲生席上得迷字

十月十七日中村善八招損齋存亭中涯希八維八

及二弟

又回鄉且到幽樓杯酒昏昏意轉迷燭影促歸人未散生憎隣舍五更雞

疎簾看雪捲

比日畏寒長掩扉瓦甌斟盡意闌時乍看前岳朝來雪急捲疎簾求好詩

寒夜客來茶當酒

得寒字

雪虐風饕半日寒剪燈話舊共團圓比來久被麴生絕更情酪奴為盡歡

應粟山本尾二生招次垣内生韻

十一月三日時諒

義凱及二弟到

主人好學潔文房瓦研模形漢未央今日同攜同社友或詩或茗或傾觴

次九成韻

十一月五日林九成招若水寅所親長特甫良敬時亮岡玄昌從先生到

豈求太乙杖頭光銀燭滿筵客滿堂且喜同來一時傑亂抽架上拂芸香

對酌 六日寅所
宅詩社題

却嫌獨往少風流更拉隣翁興自由厚祿故人
伯山花開處苦相求

飲豐田立成宅得霜字 題冬夜
話舊

此身十載對青箱今夜圍爐話正長陳迹追懷如昨
耳嘗遊知歷幾星霜

宴大澤元悅宅 十一月廿八日景賢時亮良致
義凱成美景房可興及二季至

青烟銀燭宴高堂已見葭灰動一陽他日青囊傳秘
術滿園種杏廣僊方

雪晴 臘月六日小
倉恭詩社題

滕六方驕意氣濃欲埋萬壑與千峰借來天上黃綿
襖驚起陂頭老臥龍

是日探題賦燈下圍碁 人圍碁只今欲秋風

燭吐青煙寒漏長臨機著著共爭行願求冷暖玉碁
子取擬宋人龜手方

又 元剛知竹時亮知
幾鈴木則之到

此身久矣任天遊尚著儂家舊弊裘花落寒燈人不
語時看飛玉響紋楸

贈三浦丈人 戊寅○去年歸
國仕于井伊侯

廿年淪落榮旋日綠髮離鄉今白頭又想徘徊潭府

紹述先生文集 卷之二十七

裏三春花洛憶嘗遊

書劍生涯隨水雲一妻并日代耕耘而今贏得罷官

日曾在士林學績文

子陵釣臺

三月六日並河知竹社題

九葉赤劉光復日合攀鵬翼上丹青狂奴何足干天

象浪說桐江一客星

酬本山看雲子題農圃漁樵圖見寄

丘岳可樵海可漁世間未着入圖書只今收拾好風

景半幅鶯溪便卷舒

錢神振古貴如兄招致勞心了此生官路能諧農圃

趣披圖一一覺多情

紹述先生文集卷之二十七

紹述先生文集 卷之二十七

蘇東坡先生文集卷之二十八

菊契千秋封并珉安六十壽

濟生嘗沂上池流花甲今年方一周甘谷水清宜養壽長看黃菊契千秋

九月十三夜金紫清公席上從先生到一色嗣微平并喻義至

最圓之夕先三夜佳月之期後一周聞說寬平開此

宴賞吟恨不遍中州

是日分題得待月

新月坐來尚未生倚欄待處巨為情須臾碾出山東

畔乍喜天間一道明

寒月十月五日諸友會余宅探題

結集卷之八

閑來無事礙清幽落木蕭蕭不耐愁只有山頭一痕月凍雲如海影如舟

橋頭梅十一月五日義安宅探題

誰植疎梅倚斷橋好令寒碧印冰條回頭又有四山雪準擬明朝携一瓢

樓上觀山已卯

遠岫環樓當画屏飛雲影斷落巖扃閑來欲得好詩句檢點晴峯數朶青

岸花飛送客

綠暗千村黃鳥稀偶沿回岸醉吟歸殘花似解傷春

名述先生文集卷之二十八

意箇箇且為逐馬飛

朱雲折檻圖

小畑氏目
冬嶺文請

槐里一封聞九重獨攀殿檻効孤忠爾來此事無人

繼尚託丹青想古風

世上豈無攀檻人古今常苦觸龍鱗豈唯槐里好忠

諫自是官家愛直臣

默所席上次恬菴韻

斐几鐵檠知幾年今宵聚首又樽前杜詩韓集尋奇

句話到月華掛半天

種樹某氏園

四月十三日小堀君宅講孟子浩
然章晡後俱君觀一條街花園

偶來種樹郭生家一塢妖紅奪晚霞豈但茅檐清若

許滿尊美酒滿甌茶

嗣津田君和歌韻

四月十六日郡山家令
津田某旅館從家府至

城南幽墅綠陰新也著薔薇後晚春前席論心亦何

雅得閒幸會好文人

秋懷舊

杉平吉乃考七
周忌日重陽

深院秋荒菊綻時滿城烟雨覺淒其陳人已與流年

遠徒起子孫風木悲

山家月

九月十三日伏
原清公席上

崖腹危亭誰又尋徑苔不見履痕侵吟髭撚斷秋風

底新月一泓屋後岑

松雪軒

庚辰○越前小
武友梅翁求

一夜玉龍酣戰回乍埋半壁翠雲堆齋中老子息機
久看雪對松忘世埃

扇面

垂楊暗處麗眉叟踞石鼓琴且弄孫不向江湖縱
葦應無漁利釣名心

八十八翁西三博老醫回人求嗣其韻

百歲尚餘十二春雪華孰與筆華新欲知渭上老人
壽道骨仙風自有真

題梨花

二月廿四日
小堀君懇

淡淡輕風漠漠雲東攔一樹昔嘗聞生憎冷艷白於
雪也著月明清十分

光祿清公第賞花次家君韻

三月
朔日

輕陰將雨濕紅塵繁華高低次第新休道庭除耐旋
馬風光占斷洛陽春

七月三日雷雨清司業公忠量席一作

千丈火雲紛似綿忽成驟雨落階前怒雷一吼驚山
起驀地拓開胸裏天

席上次司業清公韻

卷之二十八
古義堂藏

一道淒風蚊陣收塔除雨歇似高秋有詩有酒吟還酌不羨隋宮清夜遊

萬珠繞屋汗稍收樹葉颼颼聲欲秋須卜清風明月夜琴詩酒裏繼良遊

次並河簡亮病餘作

夜來一雨洗塵寰蕉葛淒其毛骨寒行藥君今有奇策些涼放杖問青山

圓顛方趾滿區寰唯解附炎與棄寒才器如君須自惜前程事業重丘山

讀名山記

掌中黃卷臥游時讀盡楚山越水奇幾度欲航滄海險風波令我去遲遲

悼三友

墳荒當日有英名相繼淪亡事更驚身後無人收遺帙唯聞慈母哭兒聲

性癖耽書務索新購求騰寫費精神老天欲假玉樓手鬼錄更添一箇人

嘗探藥苗每愛山十年知己咄嗟間黃泉消息有誰報一篋殘書他日顏

小野寺氏

秀和字母某氏九十壽
淺野内匠侯京邸官

名述克生文集 卷之二十八 五 古義堂藏

羨君官政不遑時，慈母九旬絲髮垂。况復一堂不違養，更無晨夕倚門思。

送自隱師東行

斜日長亭不記程，青山簇簇海雲橫。除孤筇外無他物，身事輕於秋葉輕。

嗣南園迎客韻

十月十三日 林九成宅

又是橙黃橘綠天，樓頭把盞月華鮮。休嫌供給任真率，樂在亂抽滿架編。

座中津津談世之貴富，戲贈一詩

世味濃時道味淡，塵心除處真心清。與羨一旦儻來

物，須成千古不磨名。

贈人

羨君多暇且留連，綠酒紅裙只懶眠。如有間錢就君買，人生幾箇四三年。

嗣春澤丈寒菊韻

庚辰十一月九日 清公席上

雖殿衆芳放數枝，却於節後不相宜。唯餘一種伴松柏，鵬月開花又一奇。

飲中厓丈宅

同十一月十五夜 亮亭及二季

頽波逝水日相催，今夜偶逢笑口開。秉燭豈唯春夜事，爐頭偏好對寒梅。

卷之二十八

季春遊大通院次明岩禪伯韻辛巳三月廿八日

香積飯成超八珍古書名畫又留賓詩情本自閑中
熟况屬花園欲暮春

三品藤公席上詠薔薇花四月十日

殘春花事一番新也有薔薇惱殺人黃土不長埋艷
骨玉顏彷彿舊精神

賦新綠勝花四月廿二日遊清和院

遠園新樹掩庭欄綠膩羅帷染不乾勝似三春紅紫
色風前何見一枝殘

贈仲明省觀豐之竹田

十幅蒲帆梅雨天粉榆地與海雲連黃鷄日日使人
老莫滯舊鄉誤妙年

贈稿本章貞七月廿四日

屈指別離垂十霜相逢各叙舊心腸孤舟明日山陽
路一抹白雲是帝鄉

春晚光祿清公席上壬午三月廿五日

黃土墻高春色深繁花尤好蔭清陰攪榆穩坐十分
醉真率不須擁鼻吟

小出君某處守攝南今茲正歲折東見惠新詩
一絕且求賡其韻有以蒺藜非其人也遲蒞

名世先生集

者久之曰分其坤暄恩三字疊至三章生硬腐
 爛恐為作家之所嘲愧愧
 初日離山照小園眼看生意滿乾坤遙思是日郡樓
 上居守祝君斟樹樽
 南檐獨負野人暄左右圖書隨意繙忽有好風報新
 句光輝更覺媚衡門
 彼蒼納納亦何言細草盡露無外思自耻漫然唯食
 粟鞠躬盡瘁莫嫌煩

壽梅軸老人八十
臘十七日會吉弘以三宅吉安信三安宅到
 故舊相逢會壽筵共歡初度杖朝年滿畦菘菜滿園

竹好向箇中作地僊

牡丹有稱桐壺者

後西院帝時出自御園實花中第一品非人間種也屬者

上皇分其兒孫賜一品親王王大悅命僕頌之未

此花本自日邊來仍入梁園和露栽源氏帖中名第一豈唯莼李作輿儻

坐司業清公堂前白櫻盛開二月晦日

偶扶爛醉坐斜陽鳳吹誰家如隔牆分得九重春色好一株晴雪白櫻香

一見花延年再昌院法印北村季吟八十壽

詞藻共推天下魁喜聞八袞壽筵開樽前終日對花坐不識老從何處來

題畫二首澤英貞懇

長坡欲盡路茫茫層巘脩林蔽日光此裏誰人心匠

巧兩山中半置高堂一品王王大對命

堂裏何人烏帽歌不凭綵綺不圍棋定知獨對青螺

髻遠水遊雲幾首詩嶺國實亦中第一品非人間對

題孔明像甲申

管樂以來唯一人忠誠信義仰純臣掌中白羽幾曾

大火德將灰能再新

松枝映水

此中應栖地行仙翠黛攀巖不記年終日盤桓何所

愛萬枝交影落晴川

遊建仁寺正傳院四月九日自岡部致恭价

苔徑紆餘樹竹深迎人恰恰有鳴禽入門香霧襲衣

袂一道花開蒼蘆林

題扇

野草花開月色明青袍望舍馬蹄輕料知忽得好詩

句急就故人借細評

紀述先生文集 卷之二十一

靈山得夏字五月廿九日

龍髯年老枝成架，鳳尾影深綠遠舍。紅塵十丈城市，開好借巖房消長夏。

師尚父贊

人在沙丘長夜中，酣歌都不識元戎。誰知牧野鷹揚者，本是涓陽垂釣翁。

黃鉞白旗佐吊民，乾坤自是屬維新。胸中素抱興王畧，遺法遠傳千古人。

初秋得桐字七月十七日

園林何處占淒風，思在青燈黃卷中。未見二毛能易

感一庭秋色屬梧桐

便面小景

一條秋水綠於藍，枕岸茅茨帶夕嵐。□□偶然拋書冊，野花深處伴農談。

聽雨

恨身不在錦官城，一盞愁燈伴雨聲。追憶十年遊歷地，那堪蟋蟀耳根鳴。

千種刑部卿法，印久侍曼殊親王。宮年滿八袞，齒髮尚壯嗜詩。不倦自賦壽詩一絕，以徵和于四方文儒為次韻以塞其責云

紀述先生文集 卷之二十一 古義堂藏

榮辱何曾到耳邊，逍遙自適醉中天。梁園詞客八句，
叟尚與鄒枚日近前。

猪飼某寄山茶花六朵，詩以謝之。十月廿七日

梅兄元占百花先，却被山茶先著鞭。金縷銀盃真面
目不須和雪上屏前。

祈戀 十月十九日，教學院席上，昌億可昌梅月得生院權內到小林軍尉同

偶整荆釵採白蘋，征鴻影斷楚江濱。西風日落黃陵
窟，斑竹叢邊憶遠人。

松曆年 戊子○壽前田見設翁八十一

雲封霧罩壓岩頭，黛色經年翠欲浮。閱盡世間桃李

子一場春事一場秋

題梅畫

筆頭到處化工新，占斷孤山一樹春。姑射神人面
動不須對此喚真真。

戊子三月五日自伏見易舟到大坂

一棹沿流穿彩霞，渡頭喧雜日將斜。幾多人物幾多
地，也有小船來賣茶。

六日予明到大坂埠頭

百里長堤一葉舟，櫓聲和夢下清流。忽從天滿橋邊
過，行客解裝上埠頭。

白羽無權雨探湯香羅當暑汗流漿清風一掬藤林
穩又和鳥聲到睡鄉

雲樹蒼蒼停釣舟更無男子著羔裘應嫌物色相尋
到七里灘頭獨臥秋

六月六日小堀松谷君解圍新亭納涼
調馬場傍構小亭隔墻梧葉十尋青更期秋後月明
夜來賞清光滿一庭

十三日又到君和前韻見示再和謝之今夜雨
後月色將霽且向見求亭榜故句中及之

此處宜名邀月亭亭開東面納遙青微雲點綴休言
好且看桂花影滿庭

七月十六日觀火
京俗中元後一日城東北諸
山燃炬或穿火坑點點相連
為物形文字亦浮屠照冥之所為相傳自室
町將軍時始京人上屋或出鴨河濱聚觀戊
子歲京大火災及宮闕曰移皇宮西南民家
將拓大內方二三坊中一望無礙已及鳥丸
街火字宛然可觀與一二學舍弟等開步
而望曰想唐世所六字舞者舞人若干亞地
成太平萬歲等字想
亦如此故三四及之

青山為紙火為墨點綴成象物形日暮峯頭何所
但却疑字舞列唐廷

和荅友詰生寄紅葉

昨夜新霜碧瓦寒，山紅葉幾株殘。故人遺我一枝，錦取做綈袍戀戀看。

獨倚寒村嗅野梅

踈踈脩竹蕭蕭雪，忽有暗香撲鼻來。數箇茅茨誰是住，定知種得壓墻梅。

題正氣歌後

半壁匡山事已新，趙家文物沒胡塵。一篇正氣文山筆，羞死當時賣國人。

雪夜讀書

玉塵侵曉客還踈，料識階前可尺餘。客去僮眠餓鼠噪，對燈獨誦古人書。

刑部尚書滕公辱臨雙廬公時晉階銀青十二月廿七日

青綬忽臨安樂窩，定知退食自委蛇。只今誰賦高軒過，唯仰心曾星斗羅。

寄富島利真翁

攝之厄崎管内大物里隱士有富島利真翁者恬靜樂道不耽

枯寂其國宰小出重元丈人素識其人

頃傳示其詩章見求予詩目寄之以一絕

不向塵中追勢利，豈逃物表伴烟霞。嘗知人外本無道，希聖讀書居海涯。

同諸友遊南禪寺次牧野詮孫犬韻己丑

名述先生文集

卷之二十八

古義堂藏

共歷幽林求好詩，方逢乍暖乍寒時。孟行無筭興無盡，臥看墻陰花影移。

不向即扇面景

三春花柳簇如雲，不見人來問此君。誰信歲寒蕭寺側，清標仍舊雪紛紛。

題梨花 三月初松谷子席上

小梅結局春強半，又被梨花催我詩。帶雨一枝何所似，誤言出浴太真姿。

洛陽春晚

野雲苦天叫晚霞，村村猶未到菜麻。洛陽兒女無所

事采采盈筐，莖菜花

告天小鳥名又曰告天子見潛確類書此土人云雲雀

題枯木八哥圖

鸚鵡又名八哥廣韻云別唎鳥蓋取其聲也此土所無今日圖

為題

鐵衣星眼誰相伴，老樹查牙倚晚風。肉味雖難登鼎

俎，莫緣饒舌困樊籠。

題子在川上圖

水流不息日歸東，誰向箇中觀色空。欲識當時川上意，看他君子自強功。

管一翁老大壽堂詩

管一翁老大嘗感異夢夢中見西丘二字覺而占之

夫妻共生于西丘仍設壽堂于山科山側子曰西丘求詩

召迷先生文集

卷之二十一

蘇東坡先生文集

雲樹深深峯且迴，畫圖似向此中開。不須苦卜牛眠地，入夢佳山是夜臺。

棹雪齋

長棹短簑十里湖，枯蘆折倒雪模糊。任佗世上鎖金帳，明月滿天酒滿壺。

題畫

誰向回巖古木中，半間老屋倚秋風。不唯人跡不相到，一鳥無聲烟水空。

泉州訪石橋丈人

泉州訪石橋丈人，素好文，是日經遊，偶相

問芝蘭一徑簇如雲

和歌浦

兩峽成門倚海涯，明光勝景素相誇。天風直自南溟起，萬頃銀濤噴雪花。

席上賦

十里平沙一望秋，黃茅白葦滿汀洲。征鴻影斷江風惡，多少羈人欲白頭。

寒夜即事

鐵檠紙帳坐更闌，雪意欲成特地寒。聞得窗前聾藜，喚童急報竹平安。

寶永己丑之歲新宮成十一月十六日

嗣天子自陽明攝政第入宮馳道左右結欄許士

庶縱觀日賦

德壽重華兩上皇少年天子始當陽漢官復觀威儀

盛百辟後先鹵簿長

寶永己丑之歲十二月十七日

新上皇昇遐越庚寅正月十日奉葬于泉涌寺奉

號曰東山院是日初昏京極街左行願寺拜

觀葬儀日賦二絕呈刑部尚書藤公庚寅

二十三年雨露浚遺弓今日痛民心虛名徒說長生

殿目斷蒼梧日色沉

揮戈不得更反日煉石誰能解補天料識侍臣情尤

切八音過密過斯年

三月六日偶自平野過持院福泉菴留題

禪房花木屬春深唯聽松濤奏八音一榻爭隨幽澗

竹讀書靜會古人心

絕句

五月四日得生院席上
景暉及僧絕慶同到

園花猶未了紅藥山鳥方今啼子規誰入南柯消白

日須開北牖靠烏皮

拜

天智天皇陵四月二十九日○山科鄉日
園東有曠野俗稱御廟野新

京尹到京師，耆老到此郊迎。自官道北行，二町許有石華表，榜曰：天智天皇復行，二、三町有小丘，護以竹落，前有文許方石厚尺餘，無復佗物。按諸陵式，堂域方十、四町，今不復然。予戊辰之歲，從先人及一老人嘗拜之，今已二十，有二年為賦一詩云：

蔓草荒煙路不分，松楠影老簇如雲。唯餘一片蒼苔，石尚記千年古帝墳。

梅邊酌月

山月一泓眉，樣新瓦溝霜。凝色如銀，清樽傾盡，誰相伴。却喚梅花做主人。

題猪飼長孝遺像

遺像

猪飼氏之子長孝弱而恬靜耽文今茲罹疾而終為題其

不隨流輩競時風，少小自娛文史中。花月向來誰復賞，生絹一幅傳神空。

詠史

八月十四日荷亭主人席

揖讓干戈幾送迎，朱厓黃闥乍枯榮。到頭唯有一張紙，留得丈夫千古名。

江州安養湛和尚，枉顧弊廬既而惠投瓊韻一章，以不及期予先人為恨，賢賢之懷，溢于帛漫，依高韻和呈請政。

秋深衡宇長，榛荆飛錫惠。然荷道情尚，德猶餘屋烏。愛憐佗墨行，竊儒名。

敗荷

曾將脂粉弄嬌紅，澤國秋深煙水空。羅袂猶餘舊時色，如今背面泣西風。

秋日即事得桐字秋九月四日得生院正，淳可昌相次集于樊廬。

看過澗碧與山紅，漸覺詩情次第空。又遇秋來騎月，

雨和風落盡半庭桐。

題小金山水野丈其有米老之癖，頃得小假山，奇秀可翫，目一友人請名，命曰小金山，目寄。

一絕

影落維揚水底天，山容不改大如拳。鐘聲樹影舊詩料，來入明窗淨几邊。

冬夜月大善院，懇奉納。

散盡閑雲瘦盡山，一鉤寒影斗牛間。雖無梧葉添秋色，也耐和梅和雪看。

題畫山水

浩渺影中浮白鷗，崔嵬缺處著紅樓。天涯地角筆鋒裏，對此終年供臥遊。

白菊

應嫌黃紫學時粧，淡掃蛾眉倚粉牆。誰道飄零金滿地，秋園剩看一枝霜。

今年八月遇閏重九日菊花正盛

新進先生文集 卷之二十一 詩 菊

京洛年年秋信遲，重陽難遇菊花時。今年今日花方盛，不厭秋香一夜衰。

董菜

新霽告天雲際啼，偶挑董菜過清溪。沿畦采采未盈掬，飛火原頭春日西。

卯花

清標只合伴梅吟，素艷何心後九春。初訝隕星于宋野，又疑殘雪聚瓊塵。

梅影

瀟灑好將脩竹隣，冰肌和月轉精神。一枝斜壓紗窗，

角寫出孤山處士真

冰室

崖陰誰伐石峻，增藏得重重。白玉凝休道，化工不替盤中六月薦層冰。

前參議勅解由小路藤公侍

上皇詠

御瓶所插修學園紅葉

上皇親灑

宸翰聖製賜和，是日裝潢既成引予

拜觀謹次高韻喜其榮遇

十一月廿四日野鳥丸兩公到可昌及

子與拜觀

上苑霜楓別樣紅，一枝依舊到仙宮。不隨流水寫清

名述先生文集 卷之二十一 詩 菊

怨却入明良賡載中

霜楓一朶彩雲紅清燕詩成德壽宮奎藻爛然恩賜

渥頌歸聖主得賢中

時雨

十一月十八日荷亭席

芳菲供我不多月纔到春深逐曉風為謝巫山行雨

女寒林深出綺羅紅

鷹狩

悲風衰草雪花飛原野蕭條雉兔肥公子不曾對書

卷錦袍日日臂蒼歸

庚寅之冬

上皇宮以研綿等物賜北村可昌褒稽古之勞士

庶家得內賜物蓋異典也詩以賀之

稽古多年不競名何期美譽達延英一方良研自

天賜即是安車駟馬榮

意口詩

富鄭公年八十書座屏云守口如瓶防

意如瓶一句本出法句經國清寺僧靈叟道

源題此二句為偈防意如瓶曰六門長鎖着

封疆已足攀緣萬慮忘昨夜家貧忽遭劫無

端禍起自蕭潘守口如瓶曰明明只在鼻孔

下動着無非是禍門直下放教如木校青天

白日怒雷奔俱見江湖風月集先儒取之蓋

寓敬身之意靈覺之偈一說稿木死灰之理

一說道不待言之妙日用其題翻為二絕句

誰人嘗做小瓶子中貯羅浮一掬春封住年年成底
 事開時醉倒幾多人
 靈源滾滾誰能塞野草芊芊刈也生莫把寒灰比活
 火出門大路一條平

題九連環

至高本在至卑處未遇真時苦認真費了工夫初解
 得更無奇特耐驚人

偶賦

嘗讀僧兼好野草小記過一邨家綠樹
 陰中有一士人上病對几緡書不知其人
 想其高趣去今三百年讀其遺說尚令人
 想其風采文之相感如斯也夫客歲秋半予
 自南紀歸暮過山口驛家暫休外鋪側聞中
 有童子聲曰夫人不言言必有中同伴疑訝

入店視之翁媪子女圍坐而方殮旁有小兒
 對燈誦論語亦可憐也大抵世間讀書者甚
 希偶有相值者亦做足音竟然之想
 兼好所錄蓋亦同一慨為賦二絕之

綠陰掩映是誰廬中著閑人坐讀書不識何時亦何
 處高風千載轉躊躇

爺孃同守破殘亭童子就燈誦魯經恨殺錦衣貴公
 子笙歌羶葷不曾醒

次井上章達武城遇元日韻辛卯

乾坤生意一般新遙想武城春色醇鶴髮雙親千里
 外音書須使到頻頻

奉謝

準后一品大王賜絲箋

恩榮新見楮先生觸手瑩瑩雪色清
後是幽窓殘雨

外應聞蕉葉聽秋聲

贈小山生之東行

客路預期風日晴好詩應自馬頭生
忍看橋畔垂楊

柳只解送人不解迎

便面小景

山重水遠鎖煙霞數箇茅茨沿岸斜
這裏有人知古

朴乘間擬共話桑麻

書扇頭

暑如酷吏汗如漿幸沐仁風憩竹床
莫恨棄捐秋篋底人生且暮有炎涼

題子路負米圖

百里間關負米歸歸來菽水娛親闡料知
季路當年

志絕勝萬鐘積粟時

秋扇

勸公席上
七月三日

紈素手中太有情不堪邊雁喚秋生
依稀尚見秦王女鸞馭彩銷獨奏笙

即事

萱花籬落秋初到柳葉園林雨未晴
袞袞人從塵裏

續述先生文集 卷之二十八

老沉沉詩向靜中成

八月二日河邊即事 辛卯

一帶清泉兩岸燈秋風滿髮倚枯藤平生未在他鄉
客此意不同張季鷹

菊似霜 十月七日
勤公席上

籬底秋光欲盡天數枝傾倒尚嫣然晨霜滿砌未消
却玉蕊同看一樣妍

圍爐得沸字 十月十七日
同上

一榻蕭然無長物耳邊靜聞瓶笙沸此時唯願引麴
生底事長齋向繡佛

殘螢

野叢深處巧潛藏時向幽陰弄燭光豈止大陽不相
近飛飛十月奈清霜

岩倉古剎

老木壽藤無四時岩倉古寺壓層崖當年誰是布金
地今日凄凉却入詩

情

河南樓丈自賀之金澤來見寄一詩曰酬謝其
斯文千古永相通究竟工夫怨與忠自耻異聞無可
語多年漫學濟南風

名述先生文集 卷之二十八

蕭蕭小出一亭丈人自信之飯山見寄一詩次其韻
謝答
洛陽秋後屬寥寥定識山中落葉饒望斷筑摩川上
月一封雁信白雲遙

此今登朝熊岳

平岡漫阜綠重重線路一條樹隙通始識身登最高
處諸山埤視寸眸中

自牧村到久居鎮

左望連峯右茂林筍輿軋軋破清陰此間風物殊清
美不異洛陽郊外吟

題畫二十詠

夢尋佳境到三吳一朶飛來入畫圖終日神遊吾亦

足不須著雁上崎嶇畫山

何人曾字海如空萬頃藏歸盈尺中莫與四休居士

看扁舟應直駕長風畫水

溪山何處鎖幽芳翠羽翹翹淡月黃彷彿暗香天外

動生綃一幅是羨墻畫梅

欲聽鏘鏘不自由渭川千畝漫神遊雨三箇綠幽巖

畔画取應誇萬戶侯畫竹

嘗隨徐老下塵寰底事漫將比白鷗華表千年去無

這暫留仙貌住人間畫鶴

錦毛寫就運精神占斷宣和殿裏春玉輦長隨虜塵

沒空為名畫傳中人畫鷹

歲寒節操立今聞虛左幾年久候君相對徂徠山上

綠恍疑坐上起蒼雲畫松

九日衣裳當薄寒有人紙筆獨凭欄紫素今日典刑

在畫取一枝仔細看畫菊

名手從來推戴萬畫成黃犢臥東風休為偷去亂真

贗眼裏定應着牧童畫牛

玉勒金鞍嘶北風宛然當日玉花驄有人尚買千金

骨何況龍眠奪化工畫馬

偶借松筠呈素明又遭星月助寒清清高一設描難

寫與洛陽高臥客評畫雪

卓午庭欄花正披貓兒睡着眼如絲應嫌開落無多

日長住屏間占四時畫牡

靈物蜿蜒大空蟠黑雲逐雨坐生風憑君點眼莫容

易也怕飛騰驚葉公畫龍

誰形白額託丹青忽駭目光如鏡熒寄語庸工莫妄

寫却嫌類狗敗威靈畫虎

新蕉葉葉掩山堂綠蠟初乾扇樣長恨殺不憑摩詰

手細勻玉屑點蒼蒼畫芭蕉

不寫流民鄭俠圖畫成峻宇爛丹朱終年對此嬉遊

者肯信茅茨雨腐無畫樓閣

王謝堂前秋意新雙雙燕子落梁塵不隨同侶渡南

海長入畫圖伴主人畫燕

經年胡蝶嗅花枝知是滕王筆到時當日經綸何所

寄徒留毫素供清嬉畫花

仙風不是世間人一氣嗟中現己身今古何曾會相

遇毫端幻出獨為真畫仙翁

戲調鸚鵡倚殘春半額烏雲畫樣新尤物移人今古

是真癡子喚真真畫美人

准三宮一品大王新製詩囊見賜漫賦一絕奉

謝壬辰

梁園意匠錦囊鮮堪可奚奴背上懸紅綠川原行樂

日愧無長吉筆華妍

松下兩叟觀卷圖

孤松影老伴盤桓古樣風標古樣冠知是柴桑陶隱

士歸來薛就與人看

菊亭藤公子父子造謁已三世矣今茲壬辰羽

林公蒙示新正作謹和高韻以呈

縉笏雍容侍玉宸，千門羶色泚光新。詞華偏喜家聲遠，占斷長安城裏春。

甘白詞仙席上卒，和主人韻時紅梅盛開。二月廿九日

日甘白者京尹記，室松崎活之也。

回君幸不負韶光，吟對小梅媚夕陽。一醉留連相映處，胭脂雨濕試新粧。

題扇面畫梅

花光三昧有誰知，寫上扶疎一兩枝。這裡休將羌管弄，

美恐隨飛雪共紛披。

寄松祝

不愛雜花紅滿園，蒼松夾路自成門。繁柯無改四時色，應待仙禽長子孫。

奉和勣解由小路藤拾遺光公韻

遠延野綠物花新，亭館占幽紙水濱。世濟今看詞藻美，奇花好鳥幾回春。

送小堀松谷子之東觀

征鞍已背鶯花去，回日忍看秋葉飛。莫滯時光供景，膝兒童且待細侯歸。

東梅翁八十八壽和韻

蝦身長伴杏林仙，八十過來又八年。會見蟠桃花幾

度地隣養老湧泉邊

特生竹畫

一竿寫出老東坡憶昔渭川涵綠波始識此君真面目扶疎寒影不須多

岡島可完生世家于綴喜縣之山內村農圃之暇好讀書其志亦可嘉也日賦一絕以贈之云

雨餘候鳥弄春聲牛角掛書時輟耕不似長安城裏

客利奔名走日營營

題画山水圖

日賀州武職青地氏之懇

水光明滅閃斜暉老樹臨波怪欲飛天際孤帆拔樣

小櫓聲欲向白雲歸

又

高杉危塔倚崔嵬面面峯巒面面臺應有幽人來縱自征鴻遠水影徘徊

早春漫書

歲晚吾非奔走人春回不是拜趨身圖書三百六十日喚做清時一逸民

賣花翁

分來千紫萬紅春十字街中告與人那識賣花擔頭色不比枝上活精神

秃筆

百戰勳功盈五車中書君已不中書而今世上貴年
少唯有林翁問不疎

泉州垂裕堂八景詩

梅所主人泉南之士豪也世貫于日根縣之佐野其
所居正堂曰無裕山海邑里之勝接于左右
者或遠而攬之或近而領之當設景目第為
八題客歲三韓詞客來聘主人巧其學士書
記等各求序詩已得三數卷矣亦來微予予
雖未造其居嘗遊于紀泉之間畧得其景勝
之大樂因就題撰詞以塞其責後世有修郡
乘者知必供一故事
主人之好何其雅也

葛城峯

葛城疊翠劃遙空千朵影連茅海東東畔雲烟西

浪尋詩人坐畫圖中

淡路島

淡島清奇今古傳晨霏夕靄逐時妍羨君當面構亭
子影落明窓淨几前

茅渚海

積水天南不可窮四州翠黛有無中扁舟曾向此間
泛勝境時時清夢通

武庫山

螺髻層層壓海涯神蹤千歲閱烟霞終年對此多詩
思接近誰成小隱家

日根野

邑屋鱗鱗宸小丘嘗聞玉輦促宸遊艷魂不與彩雲
化露草烟篁滿野秋

吉見里

崇阜迴溪又一村知應有路入桃源莎衣不被紅塵
染日課桑麻長子孫

興津崎

茅海一灣沙際津遊雲芳樹媚青春何時更擲埋頭
冊且就漁船買錦鱗

佐野浦

帆腹飽風刺木輕舟人泊此候潮生邑多程卓素封
富誰化武城弦誦聲

次瀧重永韻

回郊晚色屬秋晴新月一鉤當屋明遙想高人環堵
裏攜幼獨會古賢情

寐光瀑布

日光山八景之一

峯尖松暗白雲迷雪瀑半巖懸欲低料識山僧長對
看不知露却黑迦黎

花友

綠野芳原到處春短簫長笛看花人一瓢傾盡不相

識共臥青青當錦茵

十日菊九月十日

衆芳凋盡獨分明節去偏憐別樣清典午山河非舊物只看五柳老先生

夜泊遇雨

徹夜船自足雨聲一燈遙認是州城依稀半記歸家夢夢覺時聞柵鎖鳴

題籃盛土筆圖

毛生老去竟辭秦雨隴烟畦管領春孫子而今四方遍籠盛耐可遺詞人

題小畫

菰蒲短短水衣生馬上看山溪上行應自落花深處過殘香帶蝶四蹄輕

夏日訪朴所藤公堂前紫薇花盛開

嗜間好接野人家路入萬竿脩竹斜分得紫微省中色退公仍對紫微花

題瀑布圖

巨靈手抉絳河開瀉向白雲層裡來一笑扁頭癡態在慙慙引我坐天台

春夜得渡字

春夜得渡字

春宵些暖意欲雨料識千村催花樹
芒鞋明朝溪山隈誰喚扁舟問野渡

春雪 二月七日 平野

飄去誤穿紗牖入積來難使麥畦平
仍看散亂鵝毛白未伴顛狂柳絮狂

慰谷津生在京聞妹亡 戊戌

嘗隨書劍別家鄉忍聽蔡琰新
掩粧莫道天南雁飛盡好將無恙報爺孃

即席 五月廿四日得生院席遇芥朝二丈

偶來竹院罄清歡梅潤乍晴泥未乾
屈指舊交多不在相逢各自慶平安

在相逢各自慶平安

秋雨晴 八月得生院席上分韻得淒字

秋來風雨易淒淒雲罅殘陽日又西
漸覺香羅不堪著槿花籬下草虫啼

八月十四日湖上晚歸 遊如來氏宅

湖天空濶浸秋晴待看峯頭新月生
兩岸青山隨棹人從思訓畫中行

秋日懷舊

當年事業託遺文北由山高一片雲
百歲須臾人換盡黃花不改舊時薰

題畫 癸巳

柳條雨歇綠初乾，鳴罷鵝鳩棲未安。為問山前千萬樹，好花今有幾枝殘。

扶桑花，即佛桑花也。產于琉球國，槿之屬。而葉類桑。夏秋之間開花，色最殷。有一長，葉出于花辦之外，朝開暮萎，性尤怕寒，亦異卉也。天台頭

王院自薩州得之

葉如桑葉，綠尤繁。花似槿，花色特丹。聞說南方多異物，偏知此土養成難。

九月十三日圓覺僧坊觀月，今韻得寒字。

佳月未成金餅團，雨餘衣袂帶些寒。鬢絲禪榻非庄客，一盃今宵又盡歡。

小畫

獨於竹裏著茅茨，正是夕嵐初霽時。當戶雙峰看不厭，支頤誰賦對山詩。

題畫馬 越前蟹生馬 吳氏懇

曹生當日運精神，貌得花驄不讓真。霧鬣風鬣餘逸態，何須濡筆寫全身。

酬謝仙臺田邊文學見寄

三千雲水路悠悠，雙鯉難期達帝鄉。松島阿川天下

勝誰能縮地，慰惆悵。踰嶺與遊，亦與林泉所。川天不

松間磴

回磴危亭，宸翠巖好。攜黃卷，此盤桓。無人画得廬山，
遠挂杖看雲，松露寒。

厭離菴

樹陰路盡，遇佳園。蟠竹周圍，結小藩。除却塵緣，除不
得有人得句，扣松門。

雪意

十一月四日
松谷子宅

酸風鱗面凍，雲橫忍聽。牆東竹，戰聲又恐明朝尺餘。
雪無人戴酒，訪表生。

赤壁

三分書社識周郎，前後賦中思。玉堂魂往漢江，雲萬
疊清風明月，此宵良。

題遊魚圖

重久
氏求

濠梁春暖水生瀾，同隊相追意自安。何處潺湲不堪
樂，莫貪芳餌上長竿。

題畫

葦枯秋色一般新，向暮更無呼渡人。閑却沙頭釣魚
艇，自由宿鷺覓遊鱗。

高樾粉堞

危樓影與白雲齊，天末平蕪望欲低。千古與山牛首，
淚半輪殘日，朶峰西。

偶題

兩獲兩臧五弟兄，更無百畝可供耕。團團不說無生，
活滿耳朝經暮史聲。

席上題畫雞

甲午

十載書窗對古經，喈喈長伴一燈青。酒史日觀峰頭，
曙叫落滿天無數星。

庾亮登樓圖

五月六日，甘白子席上。

當日元規冠輩流，欲將雅望服神州。不知人鄣避塵，

扇漫倚南樓三五秋

烏硯詩

中井主水氏嘗藏烏研一枚，巧先人銘，既老以下小堀松谷子從先人學，贈之。松谷子簿領之暇，時時講論文學，頃出而歸，予俾跋其後，吁，回顧已二十年，所筆迹宛然，物是人非，曷堪感懷，為錄一絕于後，兼寓箴戒之意云。

烏研一方巧，琢成玄雲撥。處筆蹤橫定，知甲是乙非。
地山判不移，水樣平。

濃州大垣鎮，松野可有翁。今茲齒登七，衰未得

面，回表弟章達見微一詩，聊裁短述，以奉祝云。
嘗住十洲縹緲間，暫辭僊籙在人間。人間甲子初成

亥，眉壽何須餌九還。

甲午中秋積翠池分題得閨怨

露乾梧葉報秋聲，停繡慵聞絡緯鳴。
白艸寒前多少路，知應隴月照人明。

小倉豬飼氏園八景

山擁塘迴大若湖，忽看霽月射枯蘆。
憑誰好倩丹青手，一顆明珠墮玉壺。

廣澤秋月

滿蹊躑躅滿蹊春，微雨夜來將整巾。
細徑穿山纔一髮相逢多少覓詩人。

鳴龍夜雨

朱買臣贊

河端氏懇
豈止炎涼世態，新行歌難挽薄情。
人欲知當日繡衣。

客元是負薪朱買臣

春夜席上作

不將烏帽冒紅塵，歲月蹉跎又值春。
贏得風輕雪霽後，連床清話對高人。

閨怨

遠書猶未報歸鄉，古鼎香銷月轉廊。
寶瑟十年誰為拂，欲彈金雁不成行。

戊戌仲春八日松谷子仲子始授孝經為賦一

絕

相識已餘二十年，碧梧翠竹已森然。
將何今日為君

贈一卷孝經淨几邊

花有歡色

清水英安母氏六十壽

君家有藥解長生，是日滿堂絲竹聲。浩蕩春風未成雨，紅花偏向舞人明。

春初造蘭化齋

乙未正月十八日

春寒風雪拂天衢，深院依然柳一株。架上楞伽看未盡，清衣客喚驅烏。

乙未之秋八月廿五日大明准后歸休山隱齋院同北村可昌等造謁次可昌席上韻奉呈

十歲經營城外山，雄巖虬木有餘閒。夫然拋却人

世鶴駕逍遙，是日還

藍輿穿破幾雲山，千里故園落得閒。自是梁臺尋舊事，又應賞月看花還。

田園四時雜興

喬木作門竹落斜，春渠水長遠村家。溪南十畝初耕遍，也就低田種菜瓜。

東菑遺餉倚桑陰，梅子如彈秧似針。雙鷺聯拳窺水淺，歸牛浮鼻怯溪深。

矮籬風壓牽牛掛，老屋雨蒸木耳生。戶戶明燈催夜作，村村喧鼓賽秋成。

蘿菔上場黃橘新野人生計未全貧公租初了去年
債且煖濁醪請四隣

誓願寺內絳雪軒玩紅梅丙申閏二月廿日松谷子北可昌同到

姑射神人冰雪肌嘗隨王母飲瑤池歸來逢著僧房
裏殘醉倚春求我詩

春日遊妙光寺三月六日松谷子見携

丞相遺蹤稱妙光偏知紅紫別般芳山間小榭林間
竈杯酒留連引興長

奉次光祿藤朴所公高韻二首

地公密邇九重天劍佩趁朝知幾年行藥好將調鼎

手品題翠竹白沙邊

南家世族獨馳名文字卅年荷厚情三道斜封絹素
面驚回濃睡玉溪生

彌山神鴉

一拳螺髻渺茫中老樹周遭天女宮又有神鴉能報
吉舟行長卜去來風

松谷子令嗣始授魯論

素知玉樹殖階庭已見八年授魯經為祝後來成偉
器徂徠山上翠亭亭

崔溪丈人病愈見招席上喜賦

造化小兒惱了人，令君辜負洛陽春。清泉佳月多餘興，一棹自斯應日親。

題高力士扶醉李圖

嘗倩將軍扶醉，回金花片片向瑤臺。漢皇不會凡人言，勾引漁陽鼙鼓來。

言勾引漁陽鼙鼓來

曰州聽松翁過訪，見寄一絕次韻酬謝。不是行吟學楚些，一筇得得帽紗斜。門前剝啄喜君到，誤比草玄楊子家。

宮詞

絳河影自斗間流，南內淒涼碧樹秋。舊賜羅衣今退

色解來，且向篋中收。

老蒼園詩

服常藩儒臣淡泊安君之名也久矣而未屬者媒日州藤刺史蒙徵寄題其別墅野濱湖而多梅名曰老蒼園為賦一絕

湖色侵簷別樣奇，冰條影瘦媚寒漪。半宵清夢十洲外，吟到參橫月落時。

小石假山一座青質白章宛，狀富茲名曰不二。

石或來請詩，曰題云丁酉。

天畔亭亭擎玉蓮，金枝翠羽降飛仙。飄然直欲從之

往，隅坐分明現一拳。

賦梅得疎字

二月十一日秋興堂

名

賦

梅

得

疎

字

秋興堂

名

賦

一帶林塘月上初梅梢弄影轉扶疎數枝和雪誰相問勾引騷人驅蹇驢

題誓願寺紅梅寺有和泉式部墓二月十日北村氏到

黃土美人消息空又隨芳草怨東風殘粧不入楚臺

夢一朶綠雲明梵宮青贊白章亦富

森下昆季席上丁酉四月廿二日

華頂一螺眼底歌囊中日日有新詩休嫌難著東山

履烟樹糝糊雨亦奇題陶元亮圖北隣萬氏懇

故園三徑無人管歸去來芳思浩然采菊東籬聊簪

爾千年長做畫圖傳

菊花盛久戶塚遠江目母氏七十壽

誰鉏間地向陽栽淺紫深紅續續開嘗與芙蓉交割

罷却回又接早梅來

鶴宿松樹同上外姑七十壽

衆卉紛紛競艷陽黃鶯紫燕一時忙歲寒誰是長相

伴松頂僊翁翎似霜

紹述先生文集卷之二十八終

此本出於文憲卷之二十八

開封府人

將述更思

與六德

羅時田又執

蕭時田

蕭時田

蕭時田

蕭時田

蕭時田

